

Ո Ր Ո Շ ՈՒ Մ

ԱՆՀԱՏԱԿԱՆ ԴԻՄՈՒՄՆԵՐԻ ԸՆԴՈՒՆԵԼԻՈՒԹՅԱՆ ՀԱՐՑԻ ՎԵՐԱԲԵՐՅԱԼ

քաղ. Երևան

27 փետրվարի 2009թ.

Հայաստանի Հանրապետության Սահմանադրական դատարանի 2-րդ դատական կազմը նախագահությամբ՝ Հ.Նազարյանի, անդամակցությամբ՝ Հ.Դանիելյանի և Ռ.Պապայանի, քննության առնելով ՀՀ քաղաքացի Ռուբեն Թորոսյանի կողմից ներկայացված դիմումների ընդունելիության հարցը

Պ Ա Ր Ձ Ե Ց

1. Քաղ. Ռուբեն Թորոսյանը միաժամանակ թվով 18 դիմումներ (իր կողմից թվագրված՝ 21.02.2009թ. թիվ 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58 և 59) է ներկայացրել Սահմանադրական դատարան՝ վիճարկելով «Սահմանադրական դատարանի մասին» ՀՀ օրենքի 29, 38 հոդվածների 2-րդ մասերով, 69 հոդվածի 6-րդ մասի վերջին նախադասությամբ և 10-րդ մասով սահմանված դրույթների սահմանադրականությունը:

Դիմումատու վերոթվարկյալ բոլոր դիմումներով «Սահմանադրական դատարանի մասին» ՀՀ օրենքի 27 հոդվածի պահանջներին համապատասխան չի վճարել պետական փոստը և պարտաճ կարգով չի ներկայացրել միջնորդություն այն վճարելու պարտականությունից իրեն ազատելու վերաբերյալ, այլ՝ հղումներ է կատարել դատարանի դատական կազմերի որոշումների վրա՝ վկայակոչելով «իր նախադեպային իրավունքը»: Հերեաբար, այդ հարցը դատական կազմն որոշեց չքննարկել:

2. Հաշվի առնելով, որ վերոհիշյալ բոլոր դիմումներում քաղ. Ռ.Թորոսյանը բարձրացնում է միեւնույն հարցը, դատական կազմը որոշեց դրանց ընդունելիության հարցը քննել կազմի նույն նիստում:

3. Քաղ. Ռուբեն Թորոսյանը փաստորեն միեւնույն հարցով («Սահմանադրական դատարանի մասին» ՀՀ օրենքի 29, 38 հոդվածների 2-րդ մասերի, 69 հոդվածի 6-րդ մասի վերջին նախադասության և 10-րդ մասի սահմանադրականության), բառայիտրեն նույնպիսի հիմնավորումներով և, ինչպես սահմանադրական դատարան ներկայացրած իր նախորդ դիմումներով՝ մտից թիվ 4-1, 4-7, 4-8, 4-27, 4-28, 4-42, 4-43, 4-44, 4-46, 4-53 և 4-54, կրկին առանց պետական փոստը վճարելու, մեկ օրվա ընթացքում (միաժամանակ թվով 18 դիմումներով) դիմել է սահմանադրական դատարան՝ անդրեսելով սահմանադրական դատարանի 2-րդ դատական կազմի՝ իր նախորդ բոլոր վերոթվարկյալ դիմումների ընդունելիության հարցերով ընդունած որոշումները, «Սահմանադրական դատարանի մասին» ՀՀ օրենքի պահանջները:

«Սահմանադրական դատարանի մասին» ՀՀ օրենքի 69 հոդվածի 6-րդ մասի վերջին նախադասությունում ամրագրված դրույթի սահմանադրականության վիճարկման հարցով քաղ. Ռ.Թորոսյանի դիմումի (մտից թիվ 4-44) ընդունելիության հարցով 2-րդ դատական կազմը 2009թ. փետրվարի 16-ին ընդունել է որոշում՝ անհիմն լինելու պարճառով այն մերժելու վերաբերյալ: Չկատարելով դատական կազմի այդ որոշման պահանջները, դիմումատուն կրկին բարձրացնում է վերոհիշյալ նորմատիվ դրույթի սահմանադրականության հարցը:

Սահմանադրական դատարանի 2-րդ դատական կազմը քաղ. Ռ.Թորոսյանի դիմումների ընդունելիության հարցերով կայացրած իր որոշումներում բազմիցս դիմումատուին պարճաբանել է՝ ՀՀ Սահմանադրության 101 հոդվածի 6-րդ կետի հիմքով և «Սահմանադրական

դափարանի մասին» ՀՀ օրենքի 69 հոդվածին համապատասխան անհատական դիմումներ սահմանադրական դափարան ներկայացնելու՝ անձի իրավունքի իրացման գործող կարգը, ուշադրություն հրավիրելով դրա պահպանման անհրաժեշտության եւ դափարանն ակնհայտ անհիմն դիմումներով չձանրաբեռնելու հարցերի վրա, բացի այդ, յուրաքանչյուր դեպքում արձանագրելով «Սահմանադրական դափարանի մասին» ՀՀ օրենքով, «Պետական փութքի մասին» ՀՀ օրենքով սահմանված կարգով եւ դրույքաչափով դիմումատուի կողմից պետական փութք վճարելու իր՝ ոչ միայն օրենսդրական, այլեւ՝ սահմանադրական պարտականությունը (ՀՀ Սահմ. 45 հոդված) անվերապահ կատարելու անհրաժեշտությունը:

Դատական կազմը կրկին մատնանշում է, որ «Սահմանադրական դափարանի մասին» ՀՀ օրենքի 69 հոդվածի 1-ին մասի համաձայն անհատական դիմումով սահմանադրական դափարան դիմելիս դիմումատուն պետք է ներկայացնի ընդհանուր իրավասության կամ մասնագիտացված դափարանի (տե՛ս ՀՀ Սահմանադրության 92, 93 հոդվածներ, 94 հոդվածի 3-րդ մասը, ՀՀ դատական օրենսգրքի 3-րդ հոդվածը) գործը լուծող վերջնական ակտ, որով դիմումատուի նկատմամբ կիրառված լինեն իր կողմից սույն դիմումով վիճարկվող օրենքի դրույթները («Սահմանադրական դափարանի մասին» ՀՀ օրենքի 29, 38 հոդվածների 2-րդ մասերի, 69 հոդվածի 6-րդ մասի վերջին նախադասության եւ 10-րդ մասի), ինչպես նաեւ, օրենսդրությամբ սահմանված կարգով (դատավարական օրենսգրքերով) սպառված լինեն այդպիսի գործով դատական պաշտպանության բոլոր միջոցները:




Սահմանադրական դափարանը, վերջինիս դատական կազմերը, չեն կարող դիփարկվել որպես ընդհանուր կամ մասնագիտացված դափարաններ, սահմանադրական դափարանի դատական կազմի որոշումը չի կարող դիմումատուի կողմից որակվել որպես դափարանի՝ ըստ էության կամ՝ գործը լուծող վերջնական ակտ: «Սահմանադրական դափարանի մասին» ՀՀ օրենքով դատական կազմի լիազորությունը ոչ թե անհատական դիմումի հիման վրա սահմանադրականության հարցի վերաբերյալ որոշում կայացնելն է (որը ՀՀ Սահմանադրության 100 հոդվածի հիմքով սահմանադրական դափարանի բացառիկ լիազորությունն է), այլ՝ այդպիսի դիմումների ընդունելիության եւ պետական փութքի վճարման վերաբերյալ հարցերի լուծումը:

Միաժամանակ, դատական կազմն անհրաժեշտ է համարում ընդգծել, որ անհատական դիմումների ընդունելիության հարց լուծելիս սահմանադրական դափարանի դատական կազմն առաջնորդվում է ոչ թե նախադեպային իրավունքով, ինչպես իր բոլոր դիմումներում պնդում է դիմումատուն, այլ՝ ՀՀ Սահմանադրությամբ, «Սահմանադրական դափարանի մասին» ՀՀ օրենքով եւ սահմանադրական դափարանի կանոնակարգով:

4. Ելնելով վերոշարադրյալից եւ ղեկավարվելով «Սահմանադրական դափարանի մասին» ՀՀ օրենքի 27, 69 հոդվածներով, սահմանադրական դափարանի կանոնակարգի 26 հոդվածի 3-րդ մասով, սահմանադրական դափարանի 2-րդ դատական կազմը

Ո Ր Ո Շ Ե Ց

Քաղաքացի Ռուբեն Թորոսյանի վերոհիշյալ դիմումների քննության ընդունումը մերժել՝ քննության չառնելով պետական փութք վճարելուց ազատելու վերաբերյալ հարցը:

Նախագահող՝		Հ.Նազարյան
Անդամներ՝		Հ.Դանիելյան
		Ռ.Պապայան